

Գրիգոր Լուսաւորչի գործունէութիւնը սկըսուած է 287 թուից եւ միայն Գ. դարի սկզբում քրիստոնէութիւնը պետական կրօն հրատարակուած Տրգատ մեծի ձեռքով :

Բայց Հայաստանից էլ աւելի վաղ քրիստոնէութիւնը պետական կրօն էր դարձած կարճ ժամանակի համար հարեան Ոսրոյնի ասորական փոքրիկ պետութեան մէջ, Արգար Թ. — ժամանակ (179-216), Եղեսիա մայրաքաղաքով : Քրիստոնէութեան տարածման շատ նպաստաւոր պիտի լինէր նաեւ Պալմիրայի պետութեան շրջանը Գ. դարի երկրորդ կիսում Զինուորի Թագուհու ժամանակ : Ասորական քրիստոնէութեան մի երրորդ մեծ կեդրոն էր Մծբինը 325 թուից առաջ. բաւական է յիշել, թէ Եփրեմ ասորին ծնուել է այդ քաղաքում քրիստոնեայ ծնողներից Գ. դարի սկզբում. նշանակուած է Գ. դարում արդէն այնտեղ քրիստոնէութիւն կար : Ի նկատի պէտք է ունենալ նաեւ Յակոբ Մծբնայ հայրապետի ազգակցական կապը մեր Լուսաւորչի հետ աւանդաբար, որ յայտնի մատենագիր էր եւ որի գործերը թարգմանուած են հայերէն, ինչպէս եւ Եփրեմինը :

Քրիստոնէութիւնը տարածուած էր նաեւ Միջագետքում եւ Պարսկաստանում մինչեւ Պարթեական երկիրները, ուր բազմաթիւ համայնքներ կային ասորական քարոզութեամբ. ըստ Նեոլդեկէի Գ. դարի կէսերում արդէն շատ տարածուած էր քրիստոնէութիւնը Տիգրիսի երկիրներում, կազմակերպուած եպիսկոպոսութեամբ եւ հոգեւորականութեամբ. 310 թ. Սելուկիայի եւ Տիգրոնի եպիսկոպոսն էր Սիմէոն Բար Զարտան, իսկ նորանից առաջ Բարա Ակկայի, որ փորձել էր իւր գաւազանի տակ միացնել Պարսկաստանի բոլոր եպիսկոպոսութիւնները, բայց անյաջող : * Պարսկաստանում հալածանք է սկսուած միայն Շապուհ Բ. — ժամանակ, իսկ մինչ այդ անարդելք դարգանում էր այնտեղ քրիստոնէութիւնը : Ե. դարում Տիգրոնում ասորական պատրիարքներ էին Եհնաբարա (415-420) եւ Դատիլայ (421-456) :

* Neoldeke. Die Aufsätze. I. Labourt. Le Christianism dans l'empire Perse. Paris. 1904.

Ապա յիշատակելի է Հայաստանի հարեան երկիրներից Կապադովկիան իւր Կեսարիա մայրաքաղաքով, ուր քրիստոնէութիւնը մուտք է գործում դեռ եւս առաջին դարում. Բ. դարի վերջում այնտեղ կատարուած հալածանքների մասին տեղեակ է Կարգեղոնի նշանաւոր երկէջ Տերտուղիանը : Գ. դարի առաջին կիսում այնտեղ գործել են Ալէքսանդր եւ Ֆիրմիլիանոս եպիսկոպոսները (233-ին կաւ.), առաջինը իւր կեանքի վերջին օրերում Երուսաղէմի քրիստոնէական մատենադարանի հիմնադիրը դարձաւ, եւ երկրորդը թղթակցութեան մէջ էր իւր ժամանակի բոլոր նշանաւոր եպիսկոպոսների հետ, ի միջի այլոց, եւ Կարգեղոնի Կիւրիանոսի : Սրանց ժամանակ է ստեղծուած Կեսարիայի աստուածարանութեան դպրոցը, որի հօգոր ներկայացուցիչներն են ապա Գ. դարում իրար յետեւից՝ Բարսեղ Կեսարացին, Գրիգոր Աստուածարանն ու Գրիգոր Նիւսացին, որոնց երկերը թարգմանուեցան Ե. դարում հայերէն :

Յիշատակելի է Հայաստանի սահմանակից Պոնդոսում Գրիգոր Սքանչելադործի առաքելութիւնը (240 թ. կաւ.), որի գործունէութիւնը օրինակ հանդիսացաւ մեր Գրիգոր Լուսաւորչի համար :

Ի վերջոյ պէտք է ուշադրութեան առնել մի հանգամանք եւս, մեր Գ. դարում սկըսուած եւ Ե. դարում ուսձացած հոգեւորքաղաքակրթական եւ դորա հետ ճարտարապետական մեծ շարժումը հասկանալու համար : Գ. դարի վերջերից երեւան եկած եւ Գ. դարում զօրացած հոսանքը հայ ուսանողութեան դէպի ասորական եւ յունական բարձր դպրոցները մի նշան էր, թէ հայ ժողովուրդը քաղաքակրթութեան ասպարիզում բոլորովին համբալ էր : Բաւական է յիշել Պրոյերեսիոսի անուան հետ կապուած տեղեկութիւնները իբրեւ ուսանող Անտիոքում, աշակերտելով Ուլպիանոսի եւ ապա իբրեւ առաջնակարգ հետոր եւ փրիսոփայ, գիտնական դասախօս Աթէնքում եւ Հռոմում. այստեղ քաղաքի հասցէին արտասանած իւր ներբողով այնպիսի հռչակ ստացաւ, որ նորան արձանը կանգնեցին Regina rerum Roma regi eloquentiae արձանագրու-